

逯欽立輯校

先秦漢魏晉南北朝詩
下

中華書局

梁詩卷十六

劉孝綽

孝綽。字孝綽。本名冉。彭城安上里人。齊劉繪子。天監初爲著作佐郎。遷太子舍人、尚書水部郎。出爲平南安成王記室。補太子洗馬。遷尚書金部郎。出爲上虞令。遷除秘書丞。累遷司徒右長史、太府卿、太子僕、廷尉卿。復爲太子僕。除安西湘東王諮議參軍。遷尚書吏部郎。除秘書監。大同五年卒。年五十九。世重其文。流聞絕域。有集十四卷。

樂府

釣竿篇以下五言。

釣舟畫彩鷁。漁類聚作魚。樂府同。子服冰紈。金轄茱萸網。銀鈎詩紀誤作釣。翡翠竿。歛橈文苑作促棹。注云。一作斂。橈。隨水脉。急槩文苑作艇。渡江類聚作沙。湍。文苑云。一作急槩渡沙湍。湍長自不辭。文苑作亂。前浦有佳期。船類聚作蓮。交橈類聚作棹。樂府同。文苑云。一作棹。影合。浦深魚出遲。荷根時觸餌。菱芒乍冒絲。蓮文苑作蓮。度樂府作渡。江南手。衣渝京兆眉。垂竿自有樂府作來。文苑云。一作未。樂。誰能爲大師。○文苑英華二百十。樂府詩集十八。詩紀八十七。又類聚四十一作劉孝威釣竿篇。引紈、竿、湍、辭、期、遲六韻。

夜聽妓賦得烏夜啼

鶻絃且輟弄。鶴操暫停徽。類聚、文苑作揮。別有啼烏曲。東西相背類聚作各自。文苑同。樂府云。一作各自。飛。倡人怨獨守。蕩子遊。類聚作猶。文苑作殊。詩紀同。未歸。若逢類聚作忽聞。生離唱。玉臺作曲。樂府同。文苑云。一作曲。長類聚作中。文苑同。又注云。一作長。夜泣羅衣。○玉臺新詠八。類聚四十二作賦得烏夜啼詩。文苑英華二百六、樂府詩集四十七並作烏夜啼。詩紀八十七。

銅雀妓

雀類聚作爵。臺三五日。絃類聚作歌。樂府同。文苑、詩紀云。一作歌。吹似佳期。況復類聚、樂府作定對。文苑云。一作更對。西陵晚。松風吹總類聚、樂府作飄素。文苑云。一作飄素。帷。危絃斷復續。類聚、樂府作更接。文苑云。一作更接。妾心傷類聚、樂府作心傷於。文苑云。一作傷心於。此時。誰類聚作何。詩紀云。一作何。言留客袂。還類聚、樂府作翻。文苑、詩紀云。一作翻。掩望陵悲。○類聚三十四作銅雀臺妓。文苑英華二百四。樂府詩集三十一。詩紀八十七。

班婕妤怨

應門寂已閉。非復後庭時。況在青春日。萋萋綠草滋。妾身似秋扇。君恩絕履綦。詎文苑作誰。憶遊輕輦。從今文苑作徒令。注云。一作從今。詩紀云。一作徒令。賤妾辭。○文苑英華二百四。樂府詩集四十三。詩紀八十七。

三婦豔

大婦縫羅裙。中婦料繡文。唯餘最小婦。窈窕舞昭君。丈人慎勿去。聽我駐浮雲。○樂府詩集二十五。詩紀八十七。

櫂歌行

日暮楚江上。江深風復生。所思竟何在。相望徒盈盈。舟子行催棹。樂府作櫂。無所喝流聲。○樂府詩集四十。詩紀八十七。

詩

詠風詩四言

嫋嫋秋聲。習習春吹。鳴茲玉樹。渙此銅池。羅幃自舉。襟袖乃披。慚非楚侍。濫賦雄雌。○類聚一。文苑英華百五十六。萬花谷二。詩紀八十七。

侍宴詩

詩紀云。外編作任昉者非。○以下五言。

清宴延多士。鴻漸文苑作私。濫微薄。臨炎類聚作森。出蕙樓。望辰躋菌閣。上征切雲漢。俛類聚作晚。眺周京

洛。城寺鬱參差。街衢紛漠漠。禁林寒氣文苑作日。晚。方秋未搖落。皇心重發志。賦詩追並作。自昔承天寵。於茲被人爵。選言非綺綃。詩紀作綃。何以儷類聚作儷。文苑同。金腹。○類聚三十九。文苑英華百六十九。詩紀八十七。

又

茲堂乃峭嶠。伏檻臨曲池。樹中望流水。竹裏見攢枝。欄高景難蔽。岫隱雲易垂。邂逅逢休幸。朱蹕曳青規。丘山不可答。葵藿空自知。○類聚三十九。文苑英華百六十九。詩紀八十七。

三日侍華光殿曲水宴詩

薰初學記作薰。被三陽春。濯禊歲時雜詠作拔。文苑云。雜詠作伎。元巳初。皇心睠類聚作瞻。樂飲。帳殿臨春渠。豫遊高夏諺。凱樂盛周居。復以焚類聚作禁。林日。丰茸花樹舒。羽觴環階轉。清瀾傍席疏。妍歌已嘹初學記作窈。歲時雜詠同。文苑作廣。亮。妙舞復紆餘。歲時雜詠作徐。九成變絲竹。百戲起歲時雜詠作動。文苑云。雜詠作動。龍魚。○類聚四。初學記四。古今歲時雜詠十六。文苑英華百七十二。詩紀八十七。

三日侍安成王曲水宴詩

匯澤良孔殷。分區屏中縣。躡跨初學記作跨躡。歲時雜詠同。兼流采。襟喉類聚誤作矜唯。邇封甸。吾王歲時雜詠作五三。

奄鄂畢。析珪類聚作折。歲時雜詠同。承羽傳。不資魯俗移。何待初學記作得。歲時雜詠同。齊風變。東山富遊士。北土無遺彥。一言白璧類聚誤作璧。輕。片善黃金賤。餘辰屬上初學記作元。歲時雜詠同。詩紀云。一作元。已。清被初學記作消愁。歲時雜詠同。追前諺。持此陽瀨初學記作頻豫。歲時雜詠作侍此頻豫。按歲時是。遊。復初學記作須。歲時雜詠同。展城隅宴。芳洲亘千里。遠近風光初學記作光風。是。扇。方歡厚德重。誰言薄遊倦。○類聚四。初學記四。古今歲時雜詠十六。詩紀八十七。

春日從駕新亭應制詩

旭日興文苑作論。輪動。言追河曲遊。紆餘出文苑云。一作入。紫陌。迤邐度青樓。前驅掩蘭徑。後乘歷芳洲。春色江中滿。日華巖上留。江風傳葆吹。巖華映采旂。臨渦起睿作。駟馬暫停輶。侍從榮前阮。雍容慚昔劉。空然等彈翰。非徒嗟未遒。○文苑英華百七十八。詩紀八十七。

侍宴集賢堂應令詩

北閣時既啓。西園又已關。宮屬引鴻鸞。朝行命金碧。伊臣獨何取。隆恩徒自昔。布武登玉墀。委坐陪瑤席。綢繆參宴笑。淹留奉觴醴。壺人告漏晚。煙霞起將夕。反景入池林。餘光映泉石。○類聚三十九。文苑英華百七十九。詩紀八十七。

東林寺詩

月殿耀朱幡。風輪和寶鐸。朝猿響薨棟。夜水聲帷箔。○廬山記四。

詩

行衣侵曉露。征舫犯夜湍。無因停合浦。見此去珠還。○約補二。

侍宴餞庾於陵應詔詩

皇心眷將遠。帳類聚作帳。餞靈芝側。是日青春獻。林塘多秀色。芳卉疑綸組。文苑作緝。嘉樹似類聚作以。雕飾。遊絲綴鶯領。光風送文苑作翔。綺翼。下輦朝既盈。留宴景將昃。高辯文苑作談。競談文苑作辨。端。類聚誤作瑞。奇文爭筆力。伊臣獨無伎。何用類聚作由。奉吹文苑作歎。息。○類聚二十九。文苑英華百六十九。詩紀八十七。

侍宴餞張惠紹應詔詩

滄池誠自廣。蓬山一何峻。麗景花上鮮。油雲葉裏潤。風度餘芳滿。鳥集新條振。餞言班俊造。光私獎輶吝。徒然謬反隅。何以窺重仞。○類聚二十九。文苑英華百六十九。詩紀八十七。

餞張惠紹應令詩

鮮雲積上月。凍雨晦初陽。迴風飄淑氣。落景煥新光。竹萌始防露。桂挺已含芳。瑤階變杜若。玉沼發攢蔣。聖襟惜歧路。曲宴闌蘭堂。○類聚二十九作應令詩。文苑英華百七十九作餞張惠紹應令。詩紀八十七。

侍宴離亭應令詩

轅類聚作軒。轅東北望。江漢西南永。羽旗映日移。鏡吹臨風警。令王愨追送。纒類聚作纒。文苑云。集本、類聚並作纒。舟宴類聚作餞。俄頃。掩袂眺征雲。銜杯惜餘景。首燕徒有心。局步何由文苑作所。注云。集本、類聚並作由。聘。○類聚二十九作侍離宴詩。文苑英華百七十九。詩紀八十七。

奉和昭明太子鍾山解講詩

御鶴翔伊水。策馬出王田。我后遊祗鷺。比事實光前。翠蓋承朝景。朱廣弘明集作珠。旗曳曉煙。樓帳縈巖谷。緹組曜林阡。況在登臨地。復及秋風年。喬柯變夏葉。幽澗潔涼泉。停鑾對寶座。辯論悅人天。淹塵資海滴。昭暗仰燈然。法朋一已散。筮劍儼將旋。邂逅逢優渥。託乘侶才賢。摛辭雖並命。遺恨獨終篇。○廣弘明集三十。詩紀八十七。

和湘東王理訟詩

鴻翔亂京兆。廣漢欲兼治。豈若兼邦牧。朱輪褰素帷。淮海封畿地。雜俗良在茲。禁姦擿銖兩。馭黠震豺狸。○類聚五十。詩紀八十七。

陪徐僕射晚宴詩

夫類聚作天。初學記作大。君迫宴喜。十日遞來過。築室華池上。開軒臨芰荷。方塘初學記作堂。交密篠。類聚作笋。對雷接繁柯。景移林改色。風去文苑作度。水餘波。洛城雖半文苑云。集作未。掩。類聚字缺。愛客待驪歌。○類聚三十九作陪徐僕射晚宴於兒宅。初學記十四。文苑英華二百十四作同集晉安兒宅。詩紀八十七。

上虞鄉亭觀濤津渚學潘安仁河陽縣詩

昔余筮賓始。衣冠仕洛陽。無貲徒有任。一命忝爲郎。再踐神仙側。三人崇賢旁。東朝禮髦俊。虛薄廁才良。遊談侍名理。擲管創文章。引籍陪下膳。橫經參上庠。誰謂服事淺。契闊變炎涼。一朝謬爲吏。結綬去承光。烹鮮徒可習。詩紀云。一作惜。治民終未長。化雞文苑辨證云。一作化鶴。仰季智。馴雉推仲康。此城鄰夏穴。櫛蠹茂筠篁。孝碑黃絹語。神濤白鷺翔。遨遊佳文苑作佳。可望。釋事上川梁。秋江凍雨說文繫傳作甫。絕。反景照移說文繫傳作謬。塘。織羅殊未動。駭水忽如湯。乍出連山合。時如高蓋張。漂沙黃沫聚。磐石素波揚。

榜文苑誤作榜。人不敢唱。舟子詎能航。離家復臨水。眷然思故鄉。中來不可絕。奕奕苦人腸。泝洄若無阻。謝病反清漳。○文苑英華百六十二。詩紀八十七。又說文繫傳言部引塘一韵。○文苑英華辨證云。化難仰季智。馴雉推仲康。季智。仇覽字。仲康。魯恭字也。化難。一作化鴉。仇覽傳化我鳴鼻哺所生。說文繫傳云。陸雲與兄書曰。曹公所爲屋折其謬塘不可壞。直斫之而已。又劉孝綽上虞鄉亭觀濤詩曰云云。孝綽所言卽別館也。

太子洙類聚脫洙字。落日望水詩

詩紀云。見何水部集。

川平落日迥。文苑作迴。落照滿川漲。初學記作張。文苑作洋。復此初學記作在。文苑同。詩紀云。一作在。淪波地。派別引類聚作引別。沮漳。耿耿流長脉。熠熠動微類聚作輕。初學記。文苑同。光。寒鳥逐查漾。初學記作棧汎。文苑同。饑初學記作驚。文苑同。鵝拂浪翔。臨泛。初學記作流。文苑同。詩紀云。一作流。自多美。沉乃初學記作此。文苑同。詩紀云。一作此。還故鄉。榜文苑誤作榜。人夜理檝。權類聚作棹。女鬪成粧。初學記作裝。文苑同。欲待春江曙。争塗向洛陽。○何水部集一作落日望水。初學記六。文苑英華百六十三。又詩紀八十七。類聚八引漲、漳、光、鄉、粧、陽六韵。

登陽雲樓詩

吾登類聚作土。初學記作在。文苑作王。注云。一作土。陽臺上。非夢高唐客。回首望長安。千里懷三益。顧惟詩紀作惟。慚人楚。降。初學記作殊。文苑同。又注。一作降。詩紀云。一作殊。私等申白。西沮初學記作阻。水潦收。昭文苑作瑕。注云。一作照。詩紀云。一作瑕。丘霜露積。龍門不可見。空慕文苑誤作暮。凌寒類聚作霜。初學記同。柏。○類聚六十三。初學記二十

四。文苑英華三百一十一。詩紀八十七。

夕逗繁昌浦詩

日入江風靜。安波似未類。聚作天流。岸迴知舳轉。解纜覺船浮。暮煙生遠渚。類聚作路。夕鳥赴前洲。隔山聞戍鼓。傍浦喧棹謳。疑是辰陽宿。於此逗孤舟。○文苑英華百六十四。詩紀八十七。又類聚二十七引流、洲二韻。

櫟口守風詩

詩紀云。見何水部集。

春心已應豫。歸路復當歡。如何此日風。靈暄駭波瀾。倏見搖心慘。俄瞻鄉路難。賴有同舟客。移宴息層巒。華茵藉初卉。芳樽散緒寒。謔浪雖云善。江流苦未安。何由入故園。詎卽紉新蘭。寄謝浮丘子。暫欲假飛鸞。○何水部集二。詩紀八十七。

還渡浙江詩

季秋弦望後。輕寒朝夕殊。商人泣紈扇。客子夢羅襦。憂來類聚作方。文苑同。自難遣。況復阻川隅。日暮愁陰合。繞樹噪寒鳥。濛濛江煙上。蒼茫沙嶼燕。解纜辭東越。接軸類聚作舳。鷺西徂。懸帆似馳驥。飛棹若鷺鳧。言歸遊俠窟。方從冠蓋衢。○類聚二十七。文苑英華百六十二作渡浙江。詩紀八十七。

江津寄劉之遴詩

與子如黃鵠。將別復文苑作先。徘徊。經過一柱觀。出入三休臺。文苑云。集作靈臺。共攜雲氣藻。同舉霞紋類聚作文。文苑同。杯。佳類聚。文苑作流。詩紀云。一作流。人每曉遊。文苑作遊。注云。集作遊。禁門恆晚開。欲寄一言別。高駕何由來。○類聚二十九。文苑英華二百四十七。詩紀八十七。

發建興渚不到陸二黃門詩

詩紀云。外編作吳均詩。題云酬別。非也。

扁舟去平樂。還顧極川梁。猶聞棗不吹。尚識杏間堂。洛橋分曲渚。官寺隱回塘。客行裁跬步。卽事已多傷。況復千餘里。悲心未遽央。○類聚二十九。文苑英華二百八十六。詩紀八十七。

酬陸長史倅詩

王粲始一別。猶且文苑云。集作自。歎風雲。況余屢之遠。與子亟離羣。如何持此念。復爲今日分。分悲宛詩紀云。一作恨。如昨。弦望殊揮霍。行舟雖不見。行程猶可度。度君路應遠。期寄新詩返。相望且相思。勞朝復勞晚。文苑云。集作相望接風煙。相思勞歲晚。薄暮闌人進。果得承芳信。文苑云。集作訊。殷勤覽妙書。留連披雅韻。列洲詩紀云。一作州。財文苑云。集作宋本裁。賦總。慈山行文苑云。集作非。旅鎮。已切臨睨情。遽動思歸引。歸歎不可卽。前途方未極。覽諷欲謾誚。研尋還慨息。來喻勗雕金。比文苑作此。注云。宋本比。質非所任。虛薄無時文。

苑云。集作舉無。用。徘徊守故林。屏居青門外。結宇霸城陰。竹庭已南映。池牖復東文苑云。集作西。臨。喬柯文苑作枝。貫簷上。垂條拂戶陰。條開風暫入。葉合影還沈。帷屏溽早露。階雷擾昏禽。衡門謝車馬。賓席簡衣簪。雖愧陽陵文苑作春。詩紀云。一作春。曲。寧無流水琴。蕭條聊文苑云。集作寡。屬和。寂寞少知音。平生竟何托。懷抱共君深。一朝四美廢。方見百憂侵。曰余濫官守。因之泝廬久。文苑作九。詩紀云。一作九。水接淺原文苑作源。陰。山帶荆門文苑云。集作臺。右。從容少職事。疲病疎僚友。命駕獨尋幽。淹留宿廬阜。廬阜擅高名。岩岩文苑云。集作迢迢。凌太清。舒雲類紫府。標霞同赤城。北上文苑作山。輪難進。東封馬易驚。未若茲山險。車騎息逢迎。山橫路似絕。徑側樹如傾。蒙籠乍一啓。礫確無暫平。倚巖忽迴望。援蘿遂上征。乍觀秦帝石。復憩周王城。交峯隱玉雷。文苑作流。對澗距金楹。風傳鳳臺瑄。雲渡洛賓笙。紫書時不至。丹爐且未成。無因追羽翮。及爾宴蓬瀛。蓬瀛不可託。悵然反城郭。時過馬鳴院。偶憩鹿園閣。文苑作日斜歸路遠。偶憩鹿園閣。既異人世文苑作商人。勞。聊比化城樂。影塔圖花樹。經臺總香藥。月殿曜朱旛。風輪和寶鐸。園援文苑作援。詩紀云。一作垣。卽重嶺。階基仍巨壑。朝援文苑作漫。詩紀云。一作漫。響覺棟。夜水聲帷薄。餘景驚登臨。方宵盡談譎。談譎有名僧。慧義似傳燈。遠師教逾闡。生公道復弘。小乘非汲引。法善招文苑作忘。報能。積迷頓已悟。爲懽得未曾。爲懽誠已往。坐臥猶懷想。況復心所積。文苑作親。詩紀云。一作親。茲地多諧賞。惜哉無輕軸。更泛輪文苑云。一作淪。湖上。可思不可見。離念空盈蕩。賈生傳南國。平子相東阿。優游匡贊罷。縱橫辭賦多。方才幸同貫。無令絕詠歌。幽谷雖云阻。煩君計吏過。○文苑英華二百四十。詩紀八十七。

答何記室詩 詩紀云。附見何集。

遊子倦飄蓬。瞻途杳未文苑云。一作無。窮。晨征凌迸水。暮宿犯頽風。出洲分去燕。向浦逐歸鴻。蘭芽隱陳葉。荻苗文苑云。一作筍。抽故叢。忍憶園間文苑云。一作中。柳。猶傷江際楓。吾生棄武騎。高視獨辭文苑作餘。詩紀云。一作餘。雄。既殫孝王產。兼傾卓氏僮。罷籍睢陽園。陪謁建章宮。紛余何水部集作紛紛。文苑云。集作紛紛。似擊枘。方圓殊未工。黑貂久自弊。黃金屢已空。去辭追楚穆。還耕偶漢馮。巧拙良爲異。出處嗟莫同。若詩紀云。一作君。厭蘭臺右。文苑作石。注云。宋本右。見訪灞陵東。○何水部集一作仰答何記室。文苑英華二百四十作答何記室。遜。詩紀八十七。

答張左西詩

相思如三月。相望非兩宮。持此連枝文苑云。集作理。樹。暫作背飛鴻。若人惠思我。摘藻文苑云。集作思惠。蔚雕蟲。仙人掌方晞露。靈鳥正轉風。方假排虛翮。相與北山叢。○類聚三十一。文苑英華二百四十。詩紀八十七。

歸沐呈任中丞昉詩 詩紀云。南史云。孝綽。天監初爲著作郎。爲歸沐詩以贈任昉。卽此詩也。昉有答詩。

步出金華省。還類聚作遜。望承明廬。壯哉宛洛地。佳麗實皇居。虹蜺拖飛閣。蘭芷覆清渠。圓淵倒荷芰。方鏡寫簪裾。白雲夏峯盡。青槐秋葉疏。自我從人爵。蟾兔屢盈虛。殺青徒已汗。司舉未云書。文昌愧通籍。

臨邛幸第如。夫君多敬愛。蟠木濫吹噓。時時釋簿領。騶駕入吾廬。自唾誠礪砮。無以儷璠璣。但願長閑暇。酌醴薦焚文苑作焚枯。魚。○文苑英華二百四十七作歸沐呈任中丞。注云。時爲著作郎。詩紀八十七。又類聚三十一作贈任中丞。引廬、居、渠、疏、魚五韵。

憶虞弟詩

下邑非上郡。徒然想二馮。余慙野王德。爾勗聖鄉風。望望餘塗盡。悽悽良宴終。朝蔬一不共。夜被何由同。○類聚二十一。詩紀八十七。

淇上人戲蕩子婦示行事詩

桑中始奕奕。淇上未湯湯。美人要雜佩。上客誘明璫。日闇人聲靜。微步出類聚作上。蘭房。露葵不待勸。鳴琴無暇張。翠釵掛已落。羅衣拂更香。如何嫁蕩子。春夜守空牀。不類聚作未。見青絲騎。徒勞紅粉粧。○玉臺新詠八。類聚十八作淇上戲蕩子婦。詩紀八十七。

愛姬贈主人詩

臥久疑粧脫。鏡中私自看。薄黛銷將盡。凝朱半有殘。垂釵繞落鬢。微汗染輕紈。同羞不相難。對笑更成歡。妾心君自解。掛玉且類聚作桂玉且。留冠。○類聚十八。詩紀八十七。

爲人贈美人詩

巫山薦枕日。洛浦獻珠時。一遇便如此。寧關先有期。幸非使君問。莫作羅敷辭。夜長眠復坐。誰知閤飲眉。欲寄同花燭。爲照遙相思。○類聚十八。詩紀八十七。

遙見鄰舟主人投一物衆姬爭之有客請余爲詠

河流既浼浼。河鳥復關關。落花浮浦出。飛雉度洲還。此類聚作是。日倡家女。競嬌桃李顏。良人惜美珥。欲以代芳膏。新嫌疑故素。盛趙蔑衰斑。曳綃爭玉臺作事。掩穀。搖佩奮玉臺作奪。詩紀云。一作奪。鳴環。客心空振蕩。喬玉臺作高。枝不可攀。○玉臺新詠八。類聚十八作見隣舟人投一物衆姬爭之詩。詩紀八十七。

古意送沈宏詩

燕趙多佳麗。白日照紅粧。蕩子十年別。羅衣雙帶長。春樓怨難守。玉階空類聚作悲。文苑同。自傷。復類聚作對。詩紀云。一作對。此歸飛燕。文苑云。一作對此歸飛燕。銜泥繞曲房。差池入綺幕。上下傍雕梁。故居猶可念。類聚作尚余。文苑同。故人安文苑作何。注云。一作安。可忘。相思昏望絕。宿昔夢容光。魂交忽在御。轉側定他鄉。徒然願類聚誤作枕。文苑云。一作願。枕席。誰與同衣裳。空使蘭膏夜。炯炯對繁霜。○文苑英華二百五。詩紀八十七。又類聚三十二引粧、長、傷、房、梁、忘、裳、霜八韻。